

Veliki uspjeh Metalurškog instituta Kemal Kapetanović iz Zenice

Prvi bh. laboratoriji s međunarodnom akreditacijom

Neophodna ispitivanja firme neće morati raditi van granica BiH

Laboratoriji Metalurškog instituta Kemal Kapetanović iz Zenice postali su prvi u BiH s međunarodnom akreditacijom, nakon višemjesečne procedure koju je provelo Norveško akreditacijsko tijelo (NA).

Prema riječima Azemine Klobodanović, rukovodioca za kvalitet na nivou Instituta i koordinatora projekta, Norvežani su istakli zadovoljstvo uspješnom realizacijom zahtjeva koji su uslijedili nakon početnog ocjenjivanja obavljenog u martu ove godine. Za desetine kompanija iz BiH to će značiti da neophodna



Zenica: Ocjenjivanje provelo Norveško akreditacijsko tijelo

ispitivanja neće više morati raditi van granica naše zemlje.

- Ova akreditacija značajna

je i za Institut za akreditiranje BiH (BATA). Na ovaj način, naše nacionalno tijelo za akr-

editiranje sada je korak bliže potpisivanju sporazuma s European Coordination for Accreditation (ECA), a to znači da će usluge ovih laboratorija biti prihvaćene i van granica BiH - kazala je Klobodanović za „Dnevni avaz“.

Institut Kemal Kapetanović je lider u ispitivanju materijala, a njegovi stručnjaci nezaobilazni su u ispitivanju materijala za željezare, konstrukcije i bilo kakve vrste građenja. Njihove usluge koriste i giganti poput Arcelor Mittala. Upošljava 300 radnika, a trećina njih su doktori nauka ili magistri. **A. Dž.**